



«Mottakernavn»

«Adresse»

«Postnr» «Poststed»

«Kontakt»

Saksbehandlar, innvalstelefon

Maria Knagenhjelm, 5764 3137

Referat frå møte mellom statsforvaltar og ordførarane rundt Sognefjorden om marint vern

Til stades: Ordførarar

May-Lynn Osland, ordførar i Gulen kommune

Roy Egil Stadheim, ordførar i Vik kommune

Christian Sønsteli, ordførar i Årdal kommune

Petter Sortland, ordførar i Høyanger kommune

Kjell Eide, ordførar i Hyllestad kommune

Stig Ove Ølmheim, ordførar i Sogndal kommune

Geir Helge Østerbø, varaordførar i Høyanger kommune

Kjell Bøe Bjørgum, ordførar i Aurland kommune

Audun Mo, ordførar i Lærdal kommune

Disse kunne ikkje delta: Ordførar Andreas W. Wiese frå Luster og ordførar Gunn Åmdal

Mongstad frå Solund.

Frå Statsforvaltaren i Vestland:

Liv Signe Navarsete, statsforvaltar

Gunnar Hæreid, assisterande statsforvaltar

Aslaug Aalen, miljødirektør

Maria Knagenhjelm, seniorrådgjevar på miljøavdelinga

Halvor Røssum, rådgjevar på miljøavdelinga (referent)

Tid og stad: Møterom Sognefjorden, Statens Hus, Leikanger. Klokka 11.15.

Faktaark for ulike tema frå konsekvensutgreiinga vart delt ut, det kjem også tre faktaark til når disse er ferdige i august. Sidan vedlegga er for store for å bli sendt ut elektronisk har vi lagt dei tilgjengeleg i høgreboksen [her på sida vår](#) der også konsekvensutgreiinga for marint vern Sognefjorden er tilgjengeleg.



Møtereferat:

Møtet kom i stand etter initiativ frå ordførar i Høyanger Petter Sortland på vegner av ordførarane også i Hyllestad og Gulen.

Statsforvaltar Liv Signe Navarsete ønskte velkommen til møtet.

Ordførarane uttrykte bakgrunnen for at dei ønskte dette møtet, og si uro til det marine vernet. Uroa er basert på erfaring frå tidlegare verneprosessar, frykt for strenge restriksjonar på næringsliv og at eit verneområde vil kunne fungere som ein brems for framtidig utvikling langs fjorden. Ordførarane understreka at Sognefjorden er svært viktig for kommunane langs fjorden, både for hausting og næringsverksemd, inkludert industri, reiseliv, kraft og akvakultur. Det vart uttrykt uro for at det marine vernet vil gi restriksjonar som kan hindre framtidig vekst og utvikling for regionen. Ordførarane understrekte også at dei ønskjer ein ærleg dialog med Statsforvaltaren om dei reelle konsekvensane av vernet. Det vart stilt spørsmål ved meininga med vernet dersom det opnar for mange dispensasjonar, og fleire meinte at fjorden allereie er godt ivareteke av eksisterande lovverk. Det var også ei uro for at komande generasjonar ville føle seg hindra i utvikling.

Statsforvaltaren forsikra om at målet ikkje er å leggje lokk på eksisterande aktivitet eller leggje restriksjonar på livet langs fjorden. For å oppnå eit vern som gir reell effekt, men samstundes tek omsyn til alle interessene som er rundt fjorden, er ein ærleg og faktabasert dialog viktig.

Statsforvaltaren la vekt på at det i neste fase av prosessen vil kome forslag til vernegrenser og vernereglar, og at det vil vere fornuftig å drøfte desse med kvar enkelt kommune før forslaget blir sendt ut på høyring. Det vart nemnt at det vil vere best for den vidare forvaltninga av eit marint verneområde å etablere eit lokalt verneområdestyre. Dette vil sikre lokal forvaltning av fjorden, og det kan også følgje med arbeidsplassar.

Ordførarane anbefalte å halde møte med både referansegrupper og næringa før høyringa. Både ordførarane og Statsforvaltaren uttrykte at møtet var godt og at ein ønskjer å halde fram med ein tett og ærleg dialog for å best mogeleg kunne finne riktig balanse mellom vern og utvikling. Det kan vere aktuelt å møtast når Statsforvaltaren har framlegg til vernegrenser og vernereglar, før det blir lagt ut på høyring.

Bilete frå møtet ligg vedlagt på side tre i dette dokumentet.

Med helsing

Aslaug Aalen
miljødirektør

Maria Knagenhjelm
seniorrådgjevar

Dokumentet er elektronisk godkjent

Vedlegg:

- 1 Akvakultur faktaark Sognefjorden 2025
- 2 Fiskeri faktaark Sognefjorden 2025
- 3 Marin Samferdsel og Industri faktaark Sognefjorden 2025
- 4 Masser i Sjø faktaark Sognefjorden 2025
- 5 Tettsteder og Industri faktaark Sognefjorden 2025
- 6 Vannkraft og Energi faktaark Sognefjorden 2025



Kopi til:

Liv Signe Navarsete, Aslaug Aalen, Gunnar Ove Hæreid, Eline Orheim

Mottakarliste:

Kommunane langs Sognefjorden

